

795 SANCTISSIMIS IN CHRISTO ATQUE DILECTISSIMIS FRATRIBUS ET FILIIS IN CHRISTO SALUTEM.

Vestris in Domino profectibus valde congaudeo; desiderans vos praesenti florere felicitate et perpetua futura^a beatitudine. Ideoque saepius de concordia pacis et de consilio salutis ammonere non desisto, licet parvo ingenio, non tamen parva caritate. Nec mihi tam cito veniendi occurrit facultas, quam vestra flagitabat sanctitas; propter quasdam ecclesiae Christi necessitates. Iam totus vobiscum sum in desiderio prosperitatis vestrae; etsi corpore absens, non tamen dilectione.

Hoc maxime obsecro, ut concordēs sitis cum piissimo patre nostro¹; et timorem Domini ante oculos habeatis; et quod ei placitum speratis, concorditer loquimini, viriliter perficiatis, firmiter retineatis. Nec aliquis vestrae unanimi-
 10 tatis viscera dirumpere valeat. Constanter state in Dei timore; dum ille misericorditer vestrum
 Iudith 13, 17. praevidit honorem, qui numquam dimittit sperantes in se. Si qua in moribus humanae conversationis inter vos corrigenda sunt, citius cum omni instantia corrigite, ut spiritus
 Matth. 18, 20. Domini sanctus vobiscum manere dignetur. Et si Deus, qui dixit: 'Ubi sunt duo vel tres congregati in nomine meo, ibi sum in medio', si ille inquam in vobis est, quis
 15 contra vos? Et si amor illius in corde vestro ardet, quis vobis nocere poterit? Habetis sanctos Dei in omni opere bono adiutores, si sanctorum vestigia sequi tota virtute studeatis. Mementote, quales habuimus patres, qui nos genuerunt in Domino: illorum emulamini vitam, ut cum illis aeternae beatitudinis participes esse mereamini. Meique memores in sanctis orationibus vestris sitis. Vestramque unanimi-
 20 tatem in omni opere bono omnipotens Deus proficere concedat, dilectissimi fratres.

48.

Alcvinus Eboracenses obtestatur, si ante adventum suum creari novum archiepiscopum necesse sit, ut simoniam devitent. 795.

Cod. T fol. 93—93^a.*

Edd. Q 88, F 48, Haddan and Stubbs Councils III, 501, J 37. — Migne col. 219.

25

DILECTISSIMIS AMICIS SALUTEM.

Rogo vos per caritatis fidem, ut fideliter et sapienter in electione pontificis faciatis; si necesse sit electionem fieri, antequam veniam². Iterum iterumque obtestor vos per nomen domini nostri Iesu Christi, ut nullatenus aliquem sinatis per simoniacam heresim episcopatum adquirere; quia omnino perditio gentis est, si fiet. Et est heresis
 30 pessima, simoniaca videlicet, quam sanctus Petrus aeterno anathemate damnavit³.
 Act. 8, 20. Qui vendit episcopatum, aurum accipiet, sed et regnum Dei perdet.

Hucusque sancta Eboracensis ecclesia in electione sua inviolata permansit. Videte, ne in diebus vestris maculetur. Si illa, quod absit, auctoritatem amittit ecclesiasticam, timeo, ne vos regnum amittatis aeternum. Iudas vendidit sponsum^b,
 35 id est Christum. Qui autem vendit sponsam, id est ecclesiam, eiusdem criminis reus est; quia Christus et ecclesia unum corpus sunt, apostolo teste. Venditor vero necesse est extra ecclesiam sit; at qui extra ecclesiam est, ubi erit, nisi cum diabolo in aeterna
 Eph. 5, 23.

^a) futuri corr. in -a T*.

48. ^a) Lemma: Albinus ad dilectissimos amicos T*. ^b) siponsum littera i erasa T*.

40

1) Eanbaldo I archiepiscopo Eboracensi, ut videtur. 2) Facile cognitu est hoc cohaerere cum abdicatione ab Eanbaldo I archiepiscopo cogitata (de qua v. supra p. 90 n. 7) neque vero cum illa electione, quae post eiusdem obitum (796 Aug. 10) statim facta est teste Simeone Dunelmensi 796 p. 58. J. 3) Cf. infra ep. 258.